

金堂縣續志


76775

2

1028015

41

部五十二



金

堂

縣

續

志

卷

十

卷

金堂縣續志緒言

將欲觀化於上下百餘年閒則必尋碑銘稽傳紀傳采旁



搜夫而後山川疆土民物政教與夫廢興因革之犖犖大端始克燦然而大備然足未履其程日不覩其事求其渙然憚然而卒百不得一焉者何也蓋事有成於昔而變於今畧於前而詳於後者滔滔皆是非獨一邑之志乘爲然也民國庚申紀元適余任川軍第九師上校參謀第三軍清鄉司令兼承乏是邑越明年辛酉會值續修縣志告成余亦得躬與其盛邦人士持以示余且囑余序不禁啞然

金堂縣續志

卷一

緒言

失笑曰余戎馬中書生也何序之能爲將以序其志也年來政潮迭變內外交訐駢駢征夫莫敢遑息凡所過山川所越疆土非無所謂民者物者政者教者廢興者因革者大都如泡影曇花一刹羅閒卽不復記憶縱有時能記憶曾未嘗一字留今何幸而膺民社於斯得與諸君子樂數晨夕也余又何敢以不文辭致違諸君子慇懃雅意按金堂爲古金淵或名金水或改金泉半皆隸屬新都牛髀兩縣至唐始易今名且甌脫於樂廣中新簡華諸邑境地則楸而似華而僑廣袤近三百餘里但其閒山川之秀疆土

之繁民性之淳物產之富雖爲前清成屬支邑然罕有出其右者余茲撫有斯土也兵燹屢經亂極思治遂得以乘時布政生聚而教誨之猶幸數月以來舉凡利所當興害所當廢益者因之損者革之均皆次第見諸施行而乃於公暇之餘閒嘗竊取清鄉之便驅車作巡閱游所至輒與二三父老諏諮之博訪之其得之見見聞聞者靡不與斯志相脗合第山川雖云未改疆土不盡全非而民何以安物何以阜政教何以攸往咸宜廢興因革之何以措施悉當是皆余守土者責也囑余序者殆將以責之余者藉以

金堂縣續志

卷一 緒言

二

勵余乎丁此國事阽危時艱孔亟使長民者舉懵懵焉一無所建白勵余者不將轉而爲鄙余笑余且訕罵余余固自知引咎安知後之視今之不如今之視昔乎然斯志也所以志近百餘年之事之跡期以傳諸奕禩誠煌煌鉅製也今行將脫稿付梓矣余適以秩滿將遷擢去幸荷同志諸君子網羅佚事推闡靡遺徵獻考文分門別類試合今昔前後以參觀而挈領提綱洵足信今而傳後欲觀其化者正不必尋碑銘稽傳記博采旁搜始克燦然之皆備斯誠金堂縣近百餘年之信史也余旣得聿觀厥成爰走筆

而爲之序以俟他日修國史者之采風焉其他則詳前志姑置之不贅述

民國紀元之第一辛酉春三月旣望特獎三等文虎勳章  
陸軍中將銜陸軍少將現任四川陸軍第二軍第九師上  
校參謀第三軍清鄉司令兼署金堂縣知事古庸州健中  
龐 龍拜撰

金堂縣續志序

志之爲言記也邑志記事之書也蜀有華陽國志有通志此邑志所由昉也金邑舊志燬於兵燹前清邑令謝惟傑採摭舊聞羅網散失裒輯成帙規模大備逮咸同年閒徐宰璞玉復續修之自是以來五十餘年矣厥中人事乘除陵谷變遷難更僕數重以乾坤鼎革中原龍戰野史遺文半歸銷毀再復數年卽有心人從事纂錄而流風餘俗故家遺老無一存者時湮代遠文獻無徵致使此數十年之人物事實盡付闕如亦一邑之憾事也歲戊午奉 部檄

金堂縣續志

卷一 序

一

催邑士紳始議續纂縣志嗣省符迭下先後督成同人爰取舊志賡續重修有者仍之無者增之缺者補之畧者詳之殫精竭慮載厯寒暑而於山脈水系不憚險遠竭數人數十旬之力跋涉其境登履其巔勘其支脈源流尋其分合起伏繪爲全圖貼以詳說俾閱者一目了然似較前志差近詳備若夫古迹舊踪義夫節婦沈於草蔓煙荒之境限於遼闊曩遠之域或以採輯之未周則以俟之來者云前清丙子科舉人五品銜山西石樓縣知縣曾茂林撰

一前之志書以同治五年丙寅止茲之所採人物事實卽由丁卯後賡續增修其由東西洋學堂省立各學堂畢業出身者併國會省會議員卽續列於科舉後而丁卯前未載之佚事亦間爲之補入

一貞孝節義向由士紳舉報 旨准建坊旌表然產於偏隅阨於家世寒微白首苦節未經一字之旌揚者所在多有自人民國舊例已除竊謂天地正氣古今綱常不隨世運而泯故茲編所列凡草澤幽貞蓬廬嫠婦或人已沒世或年符旌例但見聞確實者概予採入凡以發

金堂縣續志

卷一

凡例

二

潛德之幽光慰貞魂於地下云爾

一藝文一類必有關風化始爲採列其他雕篆蟲魚吟弄風月均於志乘無涉故所錄詩咏最少

一陳壽索米魏氏穢史貽譏往哲本志所載俱屬已往旣沒行誼可傳之人其生存見在之人雖不乏嘉言懿行概不登錄杜諛濫也

修纂銜名

主修

存記道尹署理金堂縣知事

王暨英

總纂

舉人前山西石樓縣知縣

曾茂林

分纂

舉人揀選知縣

陳昌運

恩貢選用直隸州州判

馬圖成

歲貢前陝西補用縣丞

邱永貞

金堂縣續志

卷一

銜名

優貢前雲南尋甸州知州

陳亮

附生前成都初級審判廳推事

廖耀淵

優貢前廣東補用知縣

劉煥昌

測繪

繪圖學堂畢業選用巡檢

張廉

督理局務

附生前金堂縣視學

范江海

採訪

曾思慎

舉人廣西知縣

曾茂年

拔貢陝西州判

何

琇

舉人義邊知事

楊國光

附生

傅舒錦附生

賀肇勛附生

唐詩有附生

李世瑛附生

余 汧廩生眾議院議員

張可任附生

余 潤廩生

顏爲邦附生

范祥瀾師範畢業

范祥炎附生

李銘勳江油訓導

劉用權附生

范 潔師範畢業

陳懿恭廩生法政畢業

陳作霖慶符訓導

陳宗航附生

張世松附生

陳在洋日本宏文畢業

林冠甲附生

楊品成附生

李思勳附生法政畢業

范 襄理番訓導

李開陞中學畢業

葉 楨附生

周汝諧附生師範畢業

池定宇法政畢業

周錫光附生

蕭繼郇附生

羅炳勛廩貢

曾銳修法政畢業

范錫恩師範畢業

陳希實附生

米錫年廩貢

葉式南附生

唐聘侯法政畢業

文君謨附生

金堂縣續志

卷一 街名

二

郭登洲法政畢業

張靖侯法政畢業

曾惠膏法政畢業

林鴻弼廩生

李蔭蓮職員

曾 悌法政畢業

鄧煥奎隣水教諭

王用賓職員

曾鴻鑫度支部郎中

林之楨法政畢業

鍾 涵師範畢業

易光國職員

葉含芬職員

陳善舉職員

膳錄

陳樹人職員

陳增高職員

陳善慶職員

庶務

林樹森職員

何先定職員

梓人鄭鴻聲齋

目錄

卷首

輿圖志

附治城街道圖

卷一

疆域志

沿革  
警團

舊制  
交通

界址  
禮俗

大勢  
氣候

山川  
物產

區劃

卷二

建置志

城池  
法團

街巷  
壇廟

官署  
專祠

坊表

局所

倉廩

卷三

食貨志

戶口  
公款

田賦  
水利

權稅

雜捐

倉儲

公產

金堂縣續志

卷一 目錄

一

卷四

教育志

學校

宗教

卷五

實業志

農業

工業

商業

卷六

官師志

知縣  
知事

典史  
警佐

教諭  
典獄

訓導  
視學

汎廳

貼防  
實業所長

卷七

選舉志

科第

援例

行伍

學校畢業

議員

卷八

士女志 行誼 忠義 耆壽 列女

卷九

古蹟志 城鎮 廟塔 宅墓 金石 植物

卷十

藝文志 著述 傳 碑 墓誌 記 序 詩

金堂縣續志

卷一 目錄

二

金堂縣續志卷一

疆域志

沿革

金堂在周秦以前渺不可稽自漢晉以後始有金水成金  
淵郡白牟縣懷安軍懷州金泉縣金堂縣之名其名稱由  
來舊矣而治所城基或在懷口鎮西同興場或在趙鎮西  
舊城址或在今治興設廢徙備載史冊而歷朝之隸屬隨  
時更改尤當詳考而周知也今特將本邑之名稱治所隸  
屬列之爲表如左

金堂縣續志

卷一

疆域

一

漢

後漢

晉

西魏

隋

唐

| 稱名           |  | 所治              |         |
|--------------|--|-----------------|---------|
|              |  |                 |         |
| 金水成金淵郡金淵縣金水縣 |  | 懷口鎮西金淵郡在懷口鎮西同興場 | 懷口鎮西同興場 |
| 安帝義熙領金淵白     |  | 白牟即今            | 同興場     |
| 九年置          |  | 治城外古            | 城橋      |
| 避高祖諱改淵爲水     |  | 金堂縣在            | 趙鎮西舊    |
| 金堂縣          |  | 興場              | 城址      |
| 高宗咸亨二年分置     |  | 口鎮西同            |         |
| 金水治懷         |  | 口鎮西同            |         |



|              |           |
|--------------|-----------|
| 屬廣漢郡隸益州刺隸梁益二 | 初隸凱州金水隸益州 |
| 新都縣東史部屬畿州    | 後煬帝大武德三年改 |
| 隸地犍爲郡內地      | 業二年凱隸簡州   |
| 屬牛鞞縣西        | 州廢仍隸金堂隸益州 |
| 地牛鞞卽         | 蜀郡        |
| 今簡陽          | 垂拱二年改隸漢州  |

後晉 宋 元 明 清 民國

|                   |                |
|-------------------|----------------|
| 漢城縣懷安軍懷           | 州金堂縣金堂縣金堂縣     |
| 天福七年治金水縣陞懷安軍爲洪武十年 |                |
| 遙改                | 並領金堂州廢金水縣省入新都縣 |
|                   | 世祖至元二縣十三年      |
|                   | 十年廢州併復置金堂      |
|                   | 入金堂縣縣          |

金堂縣續志

卷一 疆域

二

| 所治            | 屬隸                   |
|---------------|----------------------|
| 趙鎮西舊懷安軍在懷懷州在懷 |                      |
| 城址            | 口鎮西同興口鎮西同            |
|               | 場 興場                 |
|               | 仁宗嘉祐初金堂縣卽            |
|               | 金堂縣徙治今治              |
|               | 白牟故城卽                |
|               | 今治也                  |
|               | 隸成都府屬成都路屬成都府屬成都府屬西川道 |
|               | 路尋隸潼                 |
|               | 川府路                  |

今 治今 治今 治

舊制

金堂疆域昔爲兩縣共有地故道路孔長山川寫遠而上爲橢圓下成襟帶之勢稽諸前代在漢爲新都牛鞞畛域攸殊在晉隸梁益二州範圍各異西魏置金淵而白牟得分封之半後周廢白牟而金泉乃據地之全然按當時之建置或爲郡或爲成廣輪方輿較之於今其大小原自不侔唐宋以還復分金水金堂二縣藉峽爲界壤土相連金水在今懷鎮西卽州城得隋金淵地十分有六金堂在舊白牟東卽今治得隋雒與新都地又十分有四元明併而金堂縣續志

卷一 疆域

三

合之始有今日之疆域清二百年未加改革民國仍其制無少變易是其幅員之廣狹苟披圖而考證之不出戶庭悉瞭然如指諸掌已

界址

縣治屬西川道依城心直向東至中江縣界七十里西至新都縣界二十里南至簡陽縣界四十五里北至廣漢縣界十五里依城心斜向東南至中江樂至兩縣界二百二十里西南至新都華陽兩縣界二十五里東北至中江縣界五十里西北至廣漢新都兩縣界二十里又西越新都

境外至成都省城八十里其周圍東北緣邊毘連中江縣境一百九十里東南角緣邊毘連樂至縣境六里正南緣邊毘連簡陽縣境二百零五里西南角緣邊毘連華陽縣境十六里正西緣邊毘連新都縣境五十里西北緣邊毘連廣漢縣境七十里計繞縣界一周共五百三十七里其內容由正南首至正北端最廣處相距一百一十五里最狹處相距五十里又由正東首至正西端最廣處相距一百四十五里最狹處相距三十五里西北隅至東南隅斜行長一百六十五里短一百里東北隅至西南隅斜行長九十二里短九十里綜計全境面積一萬一千方里有奇

### 大勢

縣境首部長圓廣平腰部凹入體稍狹足部迤邐如垂紳山勢東封水從南繞都城西北之屏藩上游各屬之門戶也治東南橫雲疊秀蜿蜒百里端拱揖讓層見迭出惟西北一隅壤地平衍江水分流閭閻相望林壑掩映其間爲天然之隩區焉若覈其地段可分爲八大山起自西北老牛坡終東南金堂峽左岸縱五十里橫三十里爲第一段東路諸山自中邑沙尖山分數支逆入境內旋繞縣屬土

橋鎮西上達至懷鎮沿河左岸峯巒岡阜碁布星羅縱九十餘里橫四十餘里爲第二段南路諸山一由簡陽黑風寺山至五鳳溪黃水河左金水河右岸縱三十里橫二十餘里一由簡陽金龍寺山至金水河左岸金堂峽右岸縱三十餘里橫二十餘里爲第三段計占全境地面十之七其高原自治北壁山至昆中合流之焦沙尾縱四十餘里橫五里餘爲第四段自治南昆河右岸至西江河左岸又西江右岸至沙河左岸縱三十餘里橫二十餘里爲第五段計占全境地面十之一其平原治北北河左右岸縱二

金堂縣續志

卷一 疆域

五

十五里橫十二里爲第六段治西昆河左右岸縱五十里橫二十五里爲第七段計占全境地面十之一強其澤地昆中北三河流域沿岸及金堂峽下流沿岸夏秋水漲時虞湮沒壤地交錯冲刷無常茲併合爲第八段計占全境地面十之一弱其險阻由趙鎮通小川北去路則有山王廟風洞子諸隘由趙鎮通懷州去路則有金堂峽右雲頂左炮臺諸隘由太平鎮赴五鳳溪則有黃泥壩白崖寺諸隘由太平鎮赴懷口鎮則有牌坊槓四方碑諸隘由懷口鎮達中江去路則以黃葛埧埧口店爲要衝由廣嚴寺至

土橋鎮通樂至去路則以永濟橋石埡子爲扼地用兵禦盜在所必爭餘若有名諸山向稱石城三學金臺銅官松秀蟠龍覽勝者輒流連其閒而昌利萬安雖古遺跡實則平地高坏以東南羣山觀之殆江漢之汝墳也水流成川可通舟楫者三昆中北三河通過縣境者二三水會河由本境發源四十里流入異縣者一楊溪而以昆中北三水會河爲最鉅源在他境流入昆河之水七白水河白螺泉水綉川河毛家河西江河上馬棚溪趕牛河流入中河之水一下馬棚溪流入北河之水二官倉又流入會河之水四清溪河沙河黃水河金水河源在本境流入北河

金堂縣續志

卷一 疆域

六

之水一

白馬泉水

流入會河之水三

水磨河七織水鯉魚溪

其支流歧出

山溪澗水縱橫錯雜不勝枚舉全境分區九轄場三十有二邨店則所在皆有之分置團區一百五十一學校一百餘所公有機關數十處均已分篇詳載靡有漏遺至測繪輿地所有山川城鎮疆域區界各種表符詳本圖中茲不贅述

山川

金堂轄地中跨沱江江之西南則成都華陽南去諸山環而內向焉雖支脈有五曰牟池塔山曰蟠龍山曰雲頂山